

雪履尋碑錄卷六

清宗室盛昱集錄

奉天承運皇帝制曰國家思創業之隆當崇報功之典人臣建輔運之績宜施錫爵之恩此激勸之宏規誠古今之通義爾一等阿達哈哈番加三級覺羅塞□圖派衍宗潢性資端恪爰推敦睦之誼用加錫爵之恩奉職有年宣勞罔懈小心益勵懋績彌彰允稱弼亮之才不負親賢之選疊逢慶典洊陟崇階載煥新綸以昭激勸茲以覃恩特授爾階光祿大夫錫之誥命於戲推恩申命爰弘獎於忠貞樹德懋勳尙益勤於篤棊祗服朕命勉盡乃心初任拖沙喇哈番二任拜他喇布勒哈番三任拜他喇布勒哈番又一拖沙喇哈番四任三等阿達哈哈番五任三等阿達哈哈番加一級六任授爲二等阿達哈哈番照舊加一級七任二等阿達哈哈番加二級八任二等阿達哈哈番加三級九任一等阿達哈哈番照舊加三級十任今職制曰作

朕股肱良臣所以矢夙夜釐爾女士內則亦以効勸勸休命用申壺儀維懋爾一等阿達哈哈番加三級覺羅塞爾圖妻納喇氏相夫克諧宜家著範爾夫恪勤盡職藉爾黽勉同心內則旣嫺褻綸宜錫茲以覃恩封爾爲一品夫人於戲睠此勤勞之佐久藉同心嘉爾貞順之賢載頒異數益修內德以答殊恩康熙十四年十二月十四日

戶部員外郎加一級噶爾馬錫碑文奉天承運皇帝制曰興孝維君錫類弘昭報本教忠自父服官敬用承家爾噶爾馬錫乃戶部員外郎加一級噶爾哈圖之父道在禋躬爰被絲綸之重志在作室式弘堂構之遺茲以覃恩贈爾爲資政大夫戶部員外郎加一級錫之誥命於戲恩逮所生彌表象賢之美榮施下壤益彰燕翼之庥疏恩將母弘推錫類之仁移孝作忠均切顯揚之念爾戶部員外郎加一級噶爾哈圖母傅察氏愛子能勞篤義方於杼柚相夫克順端令範於

閨闈茲以覃恩賜爾爲宜人於戲象服昭榮聿荷廷綸之寵熊丸遺教永流泉壤之輝康熙十四年十二月十四日

奉天承運皇帝制曰父有令德子職務在顯揚臣著勤勞國典必先推錫用申新命以表前休爾趙國禎乃都統加一級趙璉之父持身有道迪子成名嘉予懋績之臣實爾傳家之嗣爰褒義訓用賁恩榮茲以覃恩贈爾爲光祿大夫都統加一級錫之誥命於戲率行式穀澤流青史之光教孝作忠榮耀紫綸之色永培厥後益庇昌隆制曰國之最重者惟是忠盡之臣家所由興者以有劬勞之母特頒恩命用慰子情爾都統加一級趙璉母卞氏慈能育子教可傳家念茲靖共之猷實本恩勤之訓母德既著渥典宜加茲以覃恩封爾爲一品夫人於戲頒爵用以榮親褒忠因之教孝錫隆恩於不匱表嘉譽於來茲欽服寵綸共承渥命康熙十四年十二月十四日

奉天承運皇帝制曰褒忠表義昭代之良規崇德報功聖王之令典
特頒恩命以獎勤勞爾戶部三品郎中□□□赫色禮夙具幹才授
職效用分猷計部勤慎不懈歷年宣猷始終罔替慶典欣逢恩命洵
加宜霑新綸用示勸勵茲以覃恩特授爾階資政大夫錫之誥命於
戲恩推自近乃弘獎夫崇階業廣惟勤尙克承夫寵錫欽予時命勵
爾嘉猷制曰夙夜維勤人臣寧遑內顧伉儷無忝國常豈靳隆施錫
章服以酬勛念壺儀之媲美爾戶部三品郎中加二級赫色禮妻舒
木魯氏克勤內德宜爾室家眷良臣靖共之猷賴淑女匡襄之助爰
褒令範式沛新綸茲以覃恩贈爾爲夫人於戲敬爾有官肅閨門而
合好職思其內尙黽勉以同心祇服殊恩用昭壺德制曰宜家無婦
勞臣不免於顧內之憂繼室有人盛朝應恤其相夫之德何分先後
並賁褒綸爾戶部三品郎中加二級赫色禮繼妻舒木魯氏嗣操壺

政克相夫綱幃有前徽既見和柔合德廷申再命用彰黽勉同心茲以覃恩封爾爲夫人於戲內則是嫺允垂光於青史令儀不忒宜加毖於深閨尙克欽承以昭寵命康熙十四年十二月十四日

奉天承運皇帝制曰褒忠表義昭代之良規崇聖報功聖王之令典特頒恩命以獎勤勞爾頭等侍衛加一級阿喀尼秉心謹飭臨事敏勤簡居侍從之班克稱儀衛之職朝夕匪懈指使無違既以舊勞晉膺上秩屢逢盛典宜被新榮爰煥寵章益資効力茲以覃恩特授爾階資政大夫錫之誥命於戲恩推自近乃弘獎夫崇階業廣惟勤尙克承夫寵錫欽予時命勵爾嘉猷制曰夙夜維勤人臣寧遑內顧伉儷無忝國常豈靳隆施錫章服以酬勛念壺儀之媲美爾頭等侍衛加一級阿喀尼妻納拉氏克勤內德宜爾室家眷良臣靖共之猷賴淑女匡襄之助爰褒令範式沛新綸茲以覃恩贈爾爲夫人於戲敬

爾有官肅閨門而合好職思其內尙黽勉以同心祇服殊恩用昭幽德制曰宜家無婦勞臣不免於內顧之憂繼室有人盛朝應恤其相夫之德何分先後並賁褒綸爾頭等侍衛加一級阿喀尼繼妻胡氏嗣操壺政克相夫綱偉有前徽旣見和柔合德廷申再命用彰黽勉同心茲以覃恩封爾爲夫人於戲內則是嫺允垂光於青史令儀不忒宜加毖於深閨尙克欽承以昭寵命康熙十四年十二月十四日

奉天承運皇帝制曰國家思創業之隆當崇報功之典人臣建輔運之績宜施錫爵之恩此激勸之宏規誠古今之通義也爾二等阿達哈哈番佐領加三級革色禮持身克謹蒞事惟勤初列官階克著勤勞之績爰膺任使彌昭敬慎之忱奉職有年小心益勵崇階洊陟歷試能勤欣茲慶典之逢宜沛恩綸之寵特頒恩命以示褒嘉茲以覃恩特授爾階光祿大夫錫之誥命於戲推恩申命爰弘獎於忠貞樹

德懋勳尙益勤於篤棐祗服朕命勉盡乃心康熙十四年十二月十四日

奉天承運皇帝制曰國家思創業之隆當崇報功之典人臣建輔運之績宜施錫爵之恩此激勸之宏規誠古今之通義爾太子少保內大臣頭□精奇尼哈番匠藝衙門大人佐領加三級賴屠庫性資端亮才識宏通簡侍禁庭恪慎無慚於職守宣勞左右夙夜克矢乎寅恭任用有年小心益勵服官匪懈歷試能勤欣茲慶典之逢宜沛恩綸之寵爰頒新命以示褒嘉茲以覃恩特授爾階光祿大夫錫之誥命於戲推恩申命爰宏獎於忠貞樹德懋勳尙益勤於篤棐祗服朕命勉盡乃心康熙十四年十二月十四日

奉天承運皇帝制曰國家思創業之隆當崇報功之典人臣建輔運

之績宜施錫爵之恩此激勸之宏規誠古今之通義爾三等阿達哈
哈番加三級于得水性資端謹才略宏通初列官階克著勤勞之績
爰膺任使彌昭敬慎之忱奉職有年小心益勵崇階洊陟歷試無愆
欣茲慶典之逢宜沛恩綸之寵特頒新命以示褒嘉茲以覃恩特授
爾階光祿大夫錫之誥命於戲推恩申命爰弘獎於忠貞樹德懋勳
尙益勤於篤棐祗服朕命勉盡乃心初任三等阿達哈哈番二任加
二級三任今職制曰作朕股肱良臣所以矢夙夜釐爾女士內則亦
以効勛勤休命用申壺儀維懋爾三等阿達哈哈番加三級于得水
妻王氏相夫克諧宜家著範爾夫恪勤盡職藉爾黽勉同心內則旣
嫺褻綸宜錫茲以覃恩贈爾爲一品夫人於戲矐此勤勞之佐久藉
同心嘉爾貞順之賢載頒異數幽靈不昧佩此明綸制曰人臣宣勞
於外寧恤其家朝廷代體其心均從乎貴爰申寵命以獎令儀爾三
等阿達哈哈番加三級于得水繼妻宛氏嗣相爾夫克著令儀踵彼

前徽彰茲合德內則無忝並錫褒綸茲以覃恩封爾爲一品夫人於
戲顯命特頒用表宜家之範小心是式益勤內助之賢永相爾夫用
諸予治康熙十四年十二月十四日

奉天承運皇帝制曰國家思創業之隆當崇報功之典人臣建輔運
之績宜施錫爵之恩此激勸之宏規誠古今之通義爾年老致仕兵
部郎中拜他喇布勒哈番又一拖沙喇哈番管佐領加三級折克書
爾持心克謹蒞事惟勤初列官階克著勤勞之績爰膺任使彌昭敬
慎之忱奉職有年小心益勵崇階洊陟歷試無愆欣茲慶典之逢宜
沛恩綸之寵特頒新命以示褒嘉茲以覃恩特封爾爲光祿大夫錫
之誥命於戲推恩申命爰宏獎於忠貞樹德懋勳尙益勤於篤棊祇
服朕命勉盡乃心制曰作朕股肱良臣所以矢夙夜釐爾女士內則
亦以効劬勲休命用申壺儀維懋爾兵部郎中拜他喇布勒哈番又

一拖沙喇哈番管參領加三級折克書爾之妻巴于忒氏相夫克諧
宜家著範爾夫恪勤盡職藉爾黽勉同心內則旣嫺褰綸宜錫茲以
覃恩贈爾爲一品夫人於戲睠此勤勞之佐久藉同心嘉爾貞順之
賢載頒異數幽靈不昧佩此明綸制曰人臣宣勞於外寧恤其家朝
廷代體其心均從乎貴爰申寵命以獎令儀爾兵部郎中拜他喇布
勒哈番又一拖沙喇哈番管參領加三級折克書爾之繼妻胡實哈
□氏嗣相爾夫克著令儀踵彼前徽彰茲合德內則無忝竝錫褰綸
茲以覃恩封爾爲一品夫人於戲顯命特頒用表宜家之範小心是
式益勤內助之賢永相爾夫用諸予治康熙十四年十二月十四日

皇清誥封通議大夫佐領加一級□公碑人臣受國家寵錫之恩必
鏤諸金□□以上昭朝廷之仁而下表先人之烈也我府君通議大
夫賦性忠貞天姿明敏從戎具有勇略服職昭其勤慎筮仕爲成親

王護衛當察哈喇番厄爾客孔儀俄落之役奉王差馳奏以敷陳明
確太宗文皇帝特頒勅諭賜名威塞桑擊蒙古巴格貝勒先後征朝
鮮宣克□哈爾哈府君在王左右身冒矢石所向無不奏捷寧遠之
役時爲壯大與蔣都堂軍接戰率擺牙喇擊敗之及攻寧邑也獨先
陷陣足被重創初征燕京甫入□遇敵三營兵拒戰率擺牙喇擊敗
之師抵燕京北關遇敵兵三千列陣拒敵率擺牙喇擊敗之師次京
南海子有敵四總兵列陣拒戰率擺牙喇擊敗之及世祖章皇帝定
鼎燕京抵山海關破流賊兵二十萬追及慶都時復爲護衛多所斬
獲方擊四川張獻忠之賊衆也率護國公纛軍身督護衛指揮先登
擊敗之大同姜襄之□於左□遇賊步軍列牌抵敵復率護國公纛
軍身督護衛指麾敗之以此著有勞績遂授佐領兩遇覃恩晉秩二
級錫之誥命繼爲法衣旦達奉勅總理府中事務益殫□啟沃精白
自勵事無鉅細靡不指畫有方正圖報効不幸於康熙七年十二月

十一日以疾奄□年凡六十有六嗚呼府君之所以報國家與國家之所以遇府君可謂兩得矣布以謏劣濫竽清班皆府君燕貽積善餘慶之所致也敢不備紀府君懿德□行梗槩敬勒豐碑垂諸奕世以俾子孫繩繩效法乎謹識康熙十五年二月二十三日乙丑吉旦孝男佐領加一級詹布八品筆帖式堪泰謹立

皇清誥封光祿大夫副都統把圖魯耿公之墓康熙十五年三月吉日一等阿達哈哈番驍騎參領兵部郎中加三級孝男達漢泰立

奉天承運皇帝制曰朕惟尙德崇功國家之大典□□□□臣子之常經古聖帝明王戡亂以武致治以文朕欽承往制□進賢能特設文武勳階以彰激勸受□任者必忠以立身仁以撫衆智以察微防姦禦侮機無暇時能此則榮□前人福延後嗣而身家永康矣敬之

勿怠姚詹□原係分得撥什□往浙江征舟山時賊僞英毅伯阮思
率船二百餘隻擺列海上拒戰用船擊戰時爾同梅勒章京柯永秦
擊敗之賊僞□□陳六御英毅伯阮思叛賊張□德等率兵三萬餘
衆船二百餘隻擺列海上□犯用船擊戰時爾同梅勒章京柯永秦
等擊敗之故授爲拖沙喇哈番奉天承運皇帝制曰國家推恩而錫
類臣子懋德以圖功懿典攸存忱恂□勗爾拖沙喇哈番加一級姚
詹持心克謹蒞事惟勤俾典厥司特加任用奉公罔懈盡職靡愆盛
德旣逢宜加新命茲以覃恩特授爾階中憲大夫錫之誥命於戲式
弘章服之庸用勵顯揚之□尙欽榮命益□嘉猷康熙十五年三月
二十八日立

皇清誥封資政大夫□等阿達哈哈番又一拖沙喇哈番佐領江寧
府固山大戶部左侍郎俄公碑康熙十五年五月十一日一等阿達

哈哈番又一拖沙喇哈番散騎郎加二級孝男俄塞謹立奉天承運
皇帝制曰資政大夫一等阿達哈哈番兼一拖沙喇哈番佐領江寧
府固山大戶部左侍郎爾俄屯從征外部額倫岳色厄黑庫倫地方
著有嘉績故授爲拜他喇布勒哈番第三次圍錦州時駐守松山城
北山巔松山敵兵來犯率本固山甲士擊敗之定鼎中原之役入山
海關擊殺流賊二十萬衆之日敗其對陣敵兵追至慶都縣復轉戰
敗其對陣敵兵故於拜他喇布勒哈番加一拖沙喇哈番以太祖武
皇帝功德配祀上帝禮成念諸舊臣世著勞績由拜他喇布勒哈番
兼一拖沙喇哈番陞爲三等阿達哈哈番兩次加上聖母皇太后□
號禮成由三等阿達哈哈番遞加至一等阿達哈哈番後駐防江寧
府聞賊取巢縣率領官兵指揮攻擊遂復其城又聞賊首張輔煥領
兵據英山縣遣發官兵擊敗之並招撫人民第三次征福建用紅衣
礮攻擊海城縣東土牆時賊首鄭成功帶領十萬餘賊來奪紅衣礮

指揮官兵步戰敗之賊首鄭成功帶領二十餘萬賊來犯統率全部
兵馬擊敗之賊首鄭成功領賊數萬並攜挨牌來犯又指揮官兵步
戰敗之賊賀總兵帶領賊兵拆毀橋梁佈列挨牌火礮迎敵分佈官
兵指揮敗之共招撫二縣一百五十三寨二總兵一副將七千餘兵
故於一等阿達哈哈番加一拖沙喇哈番世襲罔替康熙十五年五
月十一日

江西巡撫兼理軍務兵部右侍郎兼都察院右副都御史正二品加
一級從一品諡勤僖白色純碑文稽古建業驅策羣力不吝爵賞以
勸有功昭示後世用傳不朽所以勵忠蓋甚備也爾白色純性行端
良才能敏練簡任巡撫具有勤勞方冀遐齡忽焉長逝朕甚悼焉特
賜諡曰勤僖勒諸貞珉永光泉壤國典臣誼庶其昭垂無斁哉康熙
十五年五月二十日

原任太子少傅管侍衛內大臣一等阿達哈哈番管佐領加二級諡襄壯穆福碑文稽古建驅業策羣力不吝爵賞以勸有功昭示後世用傳不朽所以勵忠蓋甚備也爾穆福性行純良才能稱職取前屯衛時奪門而入遂克其城入關殲寇追勦於慶都敗敵於眞定過懷慶攻太原數擊賊寇西安承天皆能戮力破賊九江南昌有屢戰之勦効力行間勤勞素著及□任內廷敬慎盡職方冀遐齡忽然長逝朕甚悼焉特賜諡曰襄壯勒諸貞珉永光泉壤國典臣誼庶其昭垂無斃哉康熙十五年七月初二日

奉天承運皇帝制曰國家思創業之隆當崇報功之典人臣建輔運之績宜施錫爵之恩此激勸之宏規誠古今之通義爾太子太傅都統吏部尙書中和殿大學士一等阿思哈尼哈番管佐領加二級圖